



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 888. Usque Ad Annum 1000

**Fleury, Claude**

**August. Vind. [u.a.], 1761**

**VD18 90117921**

§. 45. Monasterium Cluniacense fundatur.

---

[urn:nbn:de:hbz:466:1-66313](https://nbn-resolving.org/urn:nbn:de:hbz:466:1-66313)

Sæculum X. *minicalem recitare nequeant. Unde etiam*  
A. C. 909. *si vita ipsorum bona videretur, quomodo*  
*bona opera facere sine fundamento Fidei*  
*possunt? (\*) Cetera quæ sequuntur in*  
 Concilio sunt compendium Doctrinæ  
 Christianæ, & oratio, qua Episcopi Fi-  
 deles ad fugiendum vitium & virtutem  
 amplectendam excitant. In omnibus  
 vero hujus Concilii Decretis magna Re-  
 rum Ecclesiasticarum scientia & solida  
 pietas elucescit.

## §. XLV.

*Monasterium Cluniacense fundatur.*

*Mabil. to. 5.* **J**am tunc quidam viri pietate clarissimi  
*p. 77.* ad reparandam Disciplinam monasti-  
 cam propemodum collapsam animum  
 adjecerant; cujus operis sane magni ce-  
 leberrimum exordium fuit fundatio Mo-  
 nasterii Cluniacensis, exinde fama incly-  
 ti. Fundator fuit Comes Guilielmus,  
 alias etiam Dux Aquitaniæ, & Bituri-  
 censis dictus, Bernardi Comitis Arvernæ  
 filius, & alterius Bernardi, Comitis Pi-  
 ctaviens.

(\*) Pari ratione non juvant Protestantes ex-  
 cusationes illæ: *de veritate fidei meæ non dubi-  
 to. Tranquille mortem oppetimus, & his similia,*  
 nam cum fundamento fidei veræ & vivæ desti-  
 tuantur bona eorum opera ad salutem non pro-  
 sunt, quod R. P. Neumayr in Conc. ad Fest. S. Hi-  
 lar. anno 1759. irrefragabiliter probat.



ctaviensis, nepos, qui Conjugem acce-  
perat Ingelbergam, Bosonis Regis Pro-  
vinciae filiam, & Sororem Imperatoris  
Ludovici, tunc regno & oculis privati,  
filiumque ex ea susceperat in prima ætate  
mortuum. Causas vero fundati Mona-  
sterii ipse Auctor in diplomate, quod ho-  
dieque nobis superest, exponit in hunc  
modum:

*Cum facultates a Deo mihi datas Sa-  
luti animæ meæ impendere cupiam, nihil  
melius visum, quam ut Jesu Christi pau-  
perum amicitiam mihi conciliare stude-  
rem. Atque ut istud opus sit perpetuum,  
meis opibus Congregationem Monachorum  
alere constitui. Itaque ob amorem Dei,  
& Salvatoris nostri Jesu Christi, & SS.  
Apostolorum Petri & Pauli, dono de pro-  
pria mea ditione Cluniacum scilicet Vil-  
lam ad Graonam annem sitam cum Ora-  
torio, quod ibi in honorem S. Dei genitri-  
cis Mariæ & S. Petri Apostolorum Prin-  
cipis est, & omnibus rebus ad ipsam Villam  
pertinentibus, in Comitatu Matisconensi  
vel circa positis. Dono autem hæc omnia  
ego Wilhelmus pro Salute animæ Domini  
mei Regis Odonis, Parentum, & Subdito-  
rum meorum, ea conditione, ut Cluniaci  
in honorem SS. Apostolorum Petri & Pau-  
li Monasterium construatur, ibi Monachi  
secundum Regulam S. Benedicti viventes  
congregentur, sitque perpetuum illis Re-  
fugium,*

Sæculum X.  
A. C. 909.

tom. 9. Conc.  
p. 565. Bibl.  
Clun. p. 2.  
Act. Sæc. 5.  
p. 78.



Sæculum X. *fugium, qui pauperes de Sæculo egressi ni-*  
A. C. 910. *hil secum præter bonam voluntatem attu-*  
*lerint.*

*Sint ipsi Monachi sub potestate Abba-*  
*tis Bernonis quamdiu in vivis fuerit. Post*  
*eius obitum habeant licentiam quemcumque*  
*sui Ordinis secundum Regulam S. Benedi-*  
*cti Abbatem eligendi, ita ut nec a nobis,*  
*nec a quacunque alia potestate Electio Re-*  
*gularis impediri queat. Post quodlibet*  
*quinquennium iidem Monachi decem Soli-*  
*dos ad S. Petrum Romam pro concinnan-*  
*dis luminaribus mittant, habeantque Apo-*  
*stolos Patronos, & Romanum Pontificem*  
*Defensorem.*

*v. Mabill. p. 80. Id. p. 67.* *Quotidie opera misericordiæ, ut po-*  
*terunt, pauperibus, advenis, peregrinan-*  
*tibus exhibeant. Monachi ibidem congre-*  
*gati ab hac die nec nobis, nec consangui-*  
*neis nostris, nec Regi, nec cuicumque alteri*  
*in terra potestati subjiciantur. Neque*  
*aliquis Principum Sæcularium, non Comes,*  
*non Episcopus, non ipse Sedis Romana*  
*Pontifex (quos per Deum omnesque San-*  
*ctos ejus, & tremendi Judicii diem obte-*  
*stor & deprecor) res istorum Servorum*  
*Dei invadat, permutet, distrabat, vendat,*  
*minuat, aliis in Feudum concedat, nec*  
*aliquem Prælatum super eos, ipsis nolenti-*  
*bus, constituat. Illos deinde devovet, &*  
*excommunicari optat, qui hanc Donatio-*  
*nem quacunque demum ratione vanam red-*  
*didissent,*



didissent, & in pœnam temporalem addit, Sæculum X.  
ut centum auri libras dare Judicis pote- A. C. 910.  
state compellantur. Facile dispiciet le-  
 ctor, plerasque has cautiones ob tempo-  
 rum illorum iniquitatem fuisse adjectas;  
 tanta vero Comitis Wilhelmi erat po-  
 tentia, ut quoad ipse viveret, opus suum  
 conservare posset. Actis hujus Dona-  
 tionis Bituricæ publice subscripsit Wil-  
 helmus Dux \*. Tum visuntur Sigilla \* Comes.  
 Ingelbergæ uxoris ejus, Madalberti Ar-  
 chiepiscopi Bituricensis, Adalardi Episco-  
 pi Claromontani, & alterius cujusdam  
 Episcopi, nomine Attonis, aliorum Pro-  
 cerum. Dies apposita est undecima Se-  
 ptembris, annus Regis Caroli undeci-  
 mus \*, Indictio decima tertia, nempe an- \* in Actis de-  
 nus 910. cimius ter-  
 tius.

Berno, primus Abbas Cluniacensis,  
 ex primis stirpibus in Comitatu Burgun-  
 diæ ortus, Monasticum Institutum am-  
 plexus, Monasterium Gigniacense in  
 Diœcesi Lugdunensi ex suo patrimonio  
 fundavit. Monasterium vero Balmense  
 in Burgundia prope Oppidum Ledonense  
 Sequanorum reformavit, atque utrum-  
 que jam ab anno octingentesimo nona-  
 gesimo quarto rexit. Anno sequente  
 Romam profectus, obtinuit a Formoso  
 Papa Confirmationem fundati Monaste-  
 rii Gigniacensis, quod hodie conversum  
 est in Prioratum, Abbatia Cluniacensi  
 conjun-



Sæculum X. conjunctum. At Balma hodieque Ab-  
 A. C. 910. batia est. Ceterum in istis primordiis  
 Berno non plures quam duodecim mo-  
 nachos Cluniacum immisit, secutus  
 exemplum S. Benedicti, qui eundem mo-  
 nachorum numerum singulis Monasteriis  
 dabat.

Berno Regularis observantiæ Statuta  
 a Monasterio S. Martini Augustodunen-  
 vit. S. Hug. sis accepisse creditur. Saltem illud con-  
 Act. Sæc. V. stat, quod Hugonem Monachum, ad re-  
 p. 90. formandum Balmense & construendum  
 Cluniacense Cœnobium inde sibi Adju-  
 torem evocaverit. Hugonem puerum  
 septennem parentes genere & opibus il-  
 lustres in Pictaviensi Territorio monasti-  
 cis institutis addixerunt in S. Savini Asce-  
 terio, a S. Benedicto Anianensi reforma-  
 to, & in Regulari Disciplina confirmato  
 a Monachis Glandifoliensibus, qui metu  
 Normannorum pulsi ad Savinenses se re-  
 ceperant. Cum quidem Comes, cui no-  
 men Badilo, ex Aquitania advena, Mona-  
 sterium S. Martini Augustodunensis col-  
 lapsum cerneret, illud a Rege expetiit,  
 a se reparandum; quod ubi impetravit,  
 ad S. Savinum se contulit, non ignarus,  
 summo in pretio ibi esse Disciplinam re-  
 gularem. Inde igitur octodecim Mona-  
 chos, quos inter Hugo, Odo, & Joannes  
 numerabantur, evocavit. Ipse Comes  
 Badilo monachum induit in Cœnobio  
 hoc



hoc S. Martini Augustodunensi postero-  
re tempore inter Monasteria Franciæ ce-  
leberrimo. Hugo vero Sanctis sui Or-  
dinis adscriptus est, & ex his, quæ dicta  
sunt, patet, unde Disciplinæ Regularis  
traditio Cluniacum advenerit.

Sæculum X.  
A. C. 910.

## §. XLVI.

*Res Ecclesiæ in Germania.*

Adalgerius Archiepiscopus Hambur-  
gensis senio fractus, cum ad res ge-  
rendas tardior efficeretur, ex Corbeja  
nova Hogerium advocavit, qui infirmum  
adjuvaret. Interim Sergius Papa que-  
relis Adalgerii ad se delatis permotus,  
Ecclesiæ Bremensis privilegia, a Formoso  
subtracta, reddidit, & quæ Gregorius &  
Nicolaus Papæ S. Anshario & S. Rember-  
to concesserant, confirmavit. Præterea  
Adalgerio quinque Episcopos vicinos ad-  
iunxit, qui Senem in Ministerio Episco-  
pali sublevarent, Ecclesias subditas visi-  
tarent, Verbum Dei prædicarent, Episco-  
pos consecrarent. Quin & potestatem  
dederat novos constituendi. Obiit Adal-  
gerius nona Maji anno 909. post susce-  
ptum Episcopatum vigesimo. Successit  
Hogerius, qui illi Sedi annis septem præ-  
fuit. Eum Hermannus Archiepiscopus  
Coloniensis, postquam aliquantis per re-  
pugnasset, ordinavit, Pallium Sergius  
Papa, & Ferulam seu Baculum Pastora-

Adam. hist.  
c. 42.

*Hist. Eccles. Tom. XIII.*

K

lem